

Vicente Tromp cu su di 8 CD religioso

Na oficina mi a haya bishita di Vicente Tromp y Rosa de Lima y mi tabata sa mes ora cu e di 8 CD di Vicente ta cla. Mi tabata tin razon y nan a presentami e di 8 CD di Vicente cu cancionnan religioso.

E biaha aki no ta solamente Vicente of acompaña pa su yiu Nelson cu Mariachi Lirios del campo. E CD aki, titula "E cadena sin fin" tin como cantantenan, Vicente y Nelson, tambe Rosa de Lima, Pastoor Jairo Maduro, Danilo Vrolijk, Victor Kock y e hoben Darwin Gomes.

Diez tres cancion tin graba aki y despues di a scucha nan, ta algun a cay masha na mi agrado y ta net un cu no tabata entre e favoritonan di Vicente of di Rosa mes. Di nan favoritonan, nos tabata casi mescos den nos escogencia.

Esun cu mi a gusta pa e facil cu e ta y e manera agradable toca y canta, ta "Mi ta cumindabo Maria" cu sigur lo wordo canta pa tur hende cu tin e CD pasobra ta tur catolico sigur mester sa e oracion aki.

E cancion di titulo di e CD, "Cadena sin fin" ta nr. 1 den cual e ta suplica pa "hende tene duro hunto cu mi. No perde balor, tampoco moral, ma keda un bon cristian".

Masha bunita ta e di dos cancion cu Vicente ta canta hunto cu Nelson cu ta "Guia mi Señor", traduci pa Ito Tromp. E ta canta aki entre otro: "Den necesidad mi ta hayami Señor, yudami Señor, qunami bo yudanza awor. Siña mi Señor e caminda di bondad pa asina mi biba Señor segun Bo voluntad".

Hopi bunita ta tambe e cancion "Nos yiu bendiciona" canta pa Nelson Tromp, relaciona cu e ruman stima cu el a perde. E palabranan di e cancion ta hopi bunita y ta pidi bendicion tambe pa tur mucha special na mundo.

"Un dia bo a mira claridad di mundo. Un alegria grandi bo a trece pa nos y despues, un paar di luna a pesa y nan a informa nos

bo ta nos yiu especial. Contento nos a acepta bo gradiciendo Dios pa un yiu bendiciona. Pidi nos Creador su bendicion pa tur muchanan special na mundo."

E prome cancion di Danilo Vrolijk riba e CD ta un cancion di Mama cantando su mama.

E refugio di tur mi dolornan y e cuna di amor di berdad. Amor manera esun di mi mama, amor precioso y incondiciona," e ta canta entre otro.

Un di e cancionnan cu mi a gusta di Rosa de Lima ta "Nos Mundo" den cual e ta pidi Señor pa spaar esnan perdi y kita nan for di tur maldad. E ta canta tambe Rey cu Voz cu ta un di e bunitanan riba e CD alavez.

E palabranan ta menciona entre otro: "Bo ta esun cu por yena mi bida.. Bo ta fuente di amor y paz.. Rey di cielo, Rey di tera, y rey di tur cos riba tur otro rey ..Rey di cielo Rey di tera, Rey di tur cos mi Dios bo ta."

E hoben Darwin Gomez cu ta un di e hobennan cu su portret ta briya entre e 25 nan honra e aña aki pa UNOCA, a canta "Ayo reina di cielo, Mama di nos Salvador. Ayo Mama di cielo ayo ayo.. Dilanti bo cara ma bin pa confesa mi kier bo permiti mi pa sunchi bo pianan.. Ayo reina di cielo Mama di nos Salvador.. Mi kier bo ta testigo di mi sincero amor."

Dos cancion patoor Jairo Maduro a canta riba e CD aki. E prome mi a gusta: "Riba e sero leu aya". El a canta e cancion cu conviccion y hopi bunita.

"Riba e cero leu aya, riba palo di un cruz, a muri nos Gran Redentor.. Pa su amor pa nos tur El a muri. Pa nos, pa nos cu ta un pecador.. Mi ta stima e Cruz di Señor, mi n' por lubida Su entrega total.. Mi ta stima e cruz di Señor. Lo mi biba pa mi Salvador."

E di dos cancion di pastoor Jairo Maduro, ta "Mi Dios mi n' sa " riba melodía di Rudi Plaate. E ta canta entre otro di no sa "ki



pena, cual verdriet, bo tin pa mi warda. Un cos mi a siña di Bo mes; cu loke tin pa bin, mi tin cu tuma y acepta cu t'Abo a mande...

Mi Dios siñami acepta, sin rebeldia ..Dunami forza y hopi fe pa mi recupera". Victor Kock a canta un cancion so riba e CD y

esey ta "Duna Gracia na Señor" y e ta bisa entre otro pa duna gracia na Señor.. "Duna gracia pa su amor. Tur mainta mi ta



para ta canta un alabanza di Cristo Salvador."

Danilo tin como di 2 cancion "Dios ta mi amigo" cantando di e amigonan fiel manera su persona y manera Dios cu for di chikito den necesidad pa problema di bida, nan tey pa otro. "no ta importa religion, rico of pover, ban stima otro, laga mi conta cu mi tin un amigo divino", e ta canta entre otro.

E Cd ta termina cu "Un dia alavez" canta pa Vicente mes. Esaki ta e unico cancion na spaño riba e Cd; "Necesitamos un encuentro Señor. Ayudame a ver, yo quiero saber loque debo hacer. Muestre el camino que

debo seguir. Señor por mi bien quiero vivir un dia alavez. Un dia alavez es loque pido de ti. Dame la fuerza para vivir un dia alavez. Ayer ya paso, Dios mio, mañana kizas no vendra. Dame la fuerza para vivir un dia alavez". Por haya informacion cerca Vicente na 593-3929 of cerca Rosa de Lima na 563-8745 unda por haya e CD aki cu tabata tin como trompetista Nelson Tromp y Pablo Kelly, guitarra di Vicente, Darwin cu Viguera, Reno Tromp cu guitaron, Benito Trimon y Danilo Vrolijk cu violon y Tutu Figaroa cu Accordeon. E grabacion a ser haci pa Robert Thiel.